

Inatsisartut suleriaasianni § 37, imm. 1 naapertorlugu, matumuuna Naalackersuisunut imaattunik apeqquteqarpunga:

Naalackersuisunut apeqqutit:

1. Ukiuni 2020-2025 Arctic Prime Fisheries ApS-ip Tunumi avataasiortunik saarullittassinneqarnermini pisassiissutigineqartunik qanoq annertutigisumik ukiumut aamma aqutsivinnut sorlernut tunisisarpat?
2. Ukiuni 2020-2025 Arctic Prime Fisheries ApS-ip avataasiortunik saarullittaminit ukiumut tonsinngorlugit qassit Kujataanut tunisarpai?
3. Ukiuni 2020-2025 Arctic Prime Fisheries ApS-ip Tunumi avataasiortunik saarullittaminit Kujataanut procentinngorlugit qassit ukiumut tunisarpai?
4. Ukiuni 2020-2025 Arctic Prime Fisheries ApS-ip angallatai Kujataani avataasiortunik saarullittaminik tunisileraangata KANUAPNA qasseriarluni ukiumut misissuisarpa?
5. Ukiualuit matuma siorna Arctic Prime Fisheries ApS-ip Tunumi avataasiortunik saarullittaminik 50 %-imik tulaassisusaaatitaavoq. Ukiuni 2020-2025 Arctic Prime Fisheries ApS-ip tulaassisusaaatitaanini naapertorlugu Tunumut saarullittaminnik ukiumut qanoq annertutigisumik tunisisarpat?
6. Aalisarnermut, Piniarnermut, Nunalerinermut Imminullu Pilersornermut Naalackersuisoqarfiup ukiuni 2014-2026 islandimiut ingerlatseqatigiiffissuat Arctic Prime (taassuma ataaniipput Arctic Prime Fisheries ApS, Arctic Prime Coastal ApS aamma Arctic Prime Production ApS) ukiumoortumik naatsorsuutaannik piumaffigisimavaat?
7. Naalackersuisut eqqunngitsuunerarsinnaavaat suliffeqarfissuup Arctic Prime-p iluminni nunamiit nunamut aningaasanik nalilinnillu nuussisarnernut periuutsit, ilaatigut taaneqartartut 'transfer pricing' assigisaalu atuutsittaraat avataasiortunik saarullittanik Islandimut nioqquteqaleraangamik?
8. Aalisarnek pillugu Inatsimmi §1 malillugu siunertaavoq qulakkeerneqassasoq inuiaqatigiinnut siunissami sapinngisamik annerpaamik aningaasaqarnikkut aalisarnek iluaqutaassasoq. Naalackersuisut qanoq isumaqarfigaat Arctic Prime Fisheries ApS amerlanertigut ukiumiit ukiumut amigartoorujussuuartarmat, taamaallutillu ingerlatseqatigiiffittut akileraaruteqartarnerat inuiaqatigiinnut kalaallinut iluaqutaasannginnera?
9. Arctic Prime Coastal ApS-ip 2024-mi ukiumoortumik naatsorsuutai malillugit ingerlatseqatigiiffiup nammineq pigisai 228 mio.kr-nik amigartooruteqarput. Naalackersuisut isumaqarpat Arctic Prime tassaasoq islandimiut iluaquserniarlugit anngiortumik nioqquteqarfik?

10. Naalakkersuisut naliliinerat malillugu Arctic Prime Fisheries ApS-ip ukiumut amigartoortuaannarnerat, taamaattumillu inuiaqatigiinnut akileraartannginnerat peqqutigalugu siunissami pisassinneqartarnerannut sunniuteqartinneqartariaqartoq?

(Inatsisartunut ilaasortaq Jens NapãtôK', Naleraq)

Tunngavilersuutit:

Ungasinngitsukkut Sermitsiami allaaserineqarpoq Arctic Prime Fisheries ApS Kitaani 2026-mi avataasiortunik saarullittassinneqarsimasooq 1.400 tonsinik. Ingerlatseqatigiiffik ukiorpassuanngortuni Tunumi avataasiortunik saarullittassat ilarpassuunik tunineqartarpoq. Aallaqqaammut peqqutaatinneqarpoq Kujataanigooq suliffissaqartitsiniarnermut iluaqutaassammat.

Naluneqanngilaq islandimioq niuertoq pissaanilerujussuaq, Gudmundur Kristjánsson, islandimiut aalisarnikkut ingerlatseqatigiiffissuanni Brim hf-imi piginneqataassutit amerlanersaannik pigisaqartoq, 2014-imili Arctic Prime Fisheries ApS-imut annertuumik sunniuteqartoq. Arctic Prime Fisheries ApS 100 %-imik Arctic Prime Coastal ApS-imit pigineqarpoq, tassanngalu pingajorarterummik piginneqataavoq islandimiut ingerlatseqatigiiffiat Línuskip ehf. Línuskip ehf 100 procentimik Gudmundur Kristjánssonip pigisaraa.

Den Centrale Virksomhedsregister (CVR) malillugu Arctic Prime Fisheries ApS ukiumoortumik naatsorsuutai 2014-imili amigartoorteqarujussuartaannarput. Ingerlatseqatigiiffiup nammineq pigisai maannakkut 228 mio. kr-nik amigarput!

Tamanna tupinnarluinnarpoq, tassami Arctic Prime Fisheries ApS 2020-mili Naalakkersuisut nittartagaat malillugu Tunumi avataasiortunik saarullittassinneqartarsimavoq ima annertussusilinnik:

	Tons	Akuersissut tunngiunneqartoq procentinngorlugu
2020	8.496	39,3
2021	10.146	37,4
2022	10.481	48,5
2023	10.481	38,6
2024	10.481	41,8
2025	10.481	36,0

Apeqquṭit taaneqartut sukumiisumik akissutissarsineqarnissaat kissaatigineqarpoq, taamaalilluni nunaqavissut suliffeqarfiutaannut iluaqutaasussamik ingerlaqqittoqarniassamat.

Apeqquṭigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.